

國立故宮博物院珍藏

清代起居注冊

同治朝

第十八冊

國立故宮博物院珍藏

清代起居注冊

同治朝 第十八冊

同治四年閏五月上……九七九三
同治四年閏五月下……九八八五
同治四年六月上……九九七三
同治四年六月下……一〇〇九五
同治四年七月上……一〇一七七
同治四年七月下……一〇二五九

清代起居注冊—同治朝

(清)桂清楊等奉敕撰 民國72年 臺北市 聯合報
文化基金會國學文獻館印行 影印本

43冊 21公分

據國立故宮博物院藏手稿本影印
聯經出版事業公司總經銷

I. (清)桂清楊等奉敕撰

654.78

7436

72

NT\$ 86,000.00

72·12·0650

89007175

清代起居注冊

同治朝第十八冊

資料提供者 國立故宮博物院

景印者 聯合報文化基金會國學文獻館

發行人 王必成

發行者 聯經出版事業公司

臺北市忠孝東路四段五五七號

電話：七六〇一六一六—二三一七

郵撥：一〇〇五五九號

行政院新聞局登記證局版臺業字〇一三〇號

保有版權·翻印必究

中華民國七十二年十二月初版

咸同兩朝共壹佰冊
定價每部新台幣八六〇〇元

同治四年歲次乙丑閏五月初一日甲子

上詣綏履殿

母后皇太后前請安平安室

聖母皇太后前請安內閣奉

諭旨安徽徽甯池太廣道員缺著張鳳翥補授

是日

起居注官文奎胡瑞瀾

初二日乙丑

上詣綏履殿

母后皇太后前請安平安室

聖母皇太后前請安內閣奉

諭旨沈桂芬奏解州收成歉薄請將出借倉穀暫
緩催徵一摺山西解州產穀無多近年商販不
通糧價日昂若將歷年出借常平倉穀掃數全

徵民力實有未逮加恩著照所請所有解州咸
豐十年民借未完常平倉穀四百八十二石零
及同治二年民借未完常平倉穀六百七十石
零均著緩至同治四年秋後一併徵收還倉以
紓民力該撫即刊刻謄黃徧行曉諭務使實惠
均霑毋任吏胥舞弊用副朝廷軫念民艱至意
該部知道又奉

諭旨前因江西巡撫沈葆楨丁憂降旨賞假百日
穿孝俟假滿後改為署理江西巡撫嗣據該撫
瀝請開缺終制情詞懇切不得不俯如所請茲
據孫長紱奏稱據在籍紳士侍郎李道生等呈
稱該撫莅江數載德澤及於軍民靡不樂為之
用上年賊犯腹地該撫調度有方立時掃蕩今
軍務未盡平復鄰氛時虞窺伺請令沈葆楨來

江督辦防勦等語覽其所奏自係實在情形沈
葆楨撫江數年軍民愛戴該省密邇寇氛時虞
竄擾防勦實未能稍鬆從前曾國藩胡林翼張
芾李續宜等皆以親喪破格奪情諸臣雖迭請
終制朝廷以得人為重未允其請皆墨經從戎
膚功克奏沈葆楨仍當念古人金革毋避之義
迅赴江西督辦防勦事務毋再固辭是日兵部

題健銳營委前鋒叅領那斯洪阿老病准休可

否賞給全俸奉

諭旨那斯洪阿著不必給俸

是日

起居注官伍忠阿景其濬

初三日丙寅

上詣綏履殿

母后皇太后前請安平安室

聖母皇太后前請安辰刻

御撫辰殿陳帝帳閱挑選侍衛步射

是日

起居注官訥仁翁同龢

初四日丁卯

上詣綏履殿

母后皇太后前請安平安室

聖母皇太后前請安辰刻

御撫辰殿陳帝帳閱挑選侍衛步射內閣奉

諭旨本年京師雨澤稀少曾經降旨開壇祈禱仰

荷

昊慈垂佑甘澍滂沱朕心實深寅感謹於五月十六

日親詣

大高殿拈香並派鄭親王承志等分詣覺生寺等處
虔申報謝嗣雖甘霖續沛而時當炎夏田禾望
澤仍殷允宜竭誠再申祈禱以迓和甘著遴選
光明殿道衆在

大高殿祈禱遴選僧衆在覺生寺諷經均於本月初
八日開壇朕於是日親詣

大高殿拈香著派嵩林在彼常川住宿並派載容奕

楠寶全裕輝分為兩班輪班住宿上香行禮覺
生寺著派睿親王德長拈香廣毓常川住宿並
派奕樑溥楣岳齡果勒敏分為兩班輪班住宿
上香行禮

時應宮著派惇親王奕諒
昭顯廟著派恭親王奕訢
宣仁廟著派鍾郡王奕詒

凝和廟著派孚郡王奕譞拈香並著派豫親王
義道詣

黑龍壇拈香清漪園

龍神祠著派克勤郡王晉祺前往拈香靜明園
龍神祠著派順承郡王慶恩前往拈香並派鄭
親王承志詣

白龍潭拈香所有派出之王大臣等俱著先期

齋宿於是日分往行禮是日吏部題翰林院侍

讀員缺開列請

簡奉

諭旨車順軌轉補翰林院侍讀孫家鼐補授翰林

院侍講

是日

起居注官繼格徐桐

初五日戊辰

上詣綏履殿

母后皇太后前請安平安室

聖母皇太后前請安辰刻

御撫辰殿陳帟帳閱挑選侍衛步射內閣奉

諭旨兵部奏遵議未能力救主帥各員請將正黃
旗蒙古副都統溫德勒克西伯都訥副都統高

福均革職不准留營成都副都統富森保革職
留營等語溫德勒克西等隨同親王僧格林沁
剿匪未能竭力救護實屬咎有應得姑念該員
等追剿疲乏係由賊衆兵單所致溫德勒克西
高福均著加恩改為革職留營富森保事後尚
知愧奮著加恩改為革職留任該部知道又奉
諭旨駱秉章奏請將庸劣不職各員請旨革職一